

Saaminttay 7

Kiflee 3



Buukulo Koshshaa

Leveled





Buukulo Koshshaa

Kifilee 3

Saaminttay 7

Leveled




Ha gujo nabbabo maxaafay Yuu Essi Eyidiyappe (USAID) beettida miishshaa maaduwan Seev Ze Chiddirenee (Save the Children), Luxettaa Moconaynne Tohossa Dalgga Manttiya Luxettaa Beeroy issippe hashetin giigidi attamettidaagaa.

2009 M.L.



The CC By license lets others distribute, adjust, and build upon this work, for free or commercially, as long as credit is given to the original creation. However, any changes from the original must be indicated.

For more info please refer: <https://creativecommons.org/licenses/>



Buukuloy issi gallassi eessaa koshshaa woraa biis. Eta heeran qassi mattay uttanawu injjetiya mitti baawa. Hegaa gishshawu woray de'iyoo heeraa guuran kiyidi biis.

Issi xumaa sikkida woraakko loddan
gakkidi yaa haa xeelliyogaa doommiis.
Woraa gidдон dумma dумma adussa
mittaynne maatay kumiis. Mittaa
gidдон wora mehetikka bessidosona.

Buukuloy mittaanne wora mehetun
maalaalettiiddi gidдо geliyogaa
doommiis. Koyin koyin matta giyobi
beettennan ixxin guuttaa shemppanawu
uttiis. I uttido sohuwan qassi dумma
dумma meraara de'iya cora ciishshay
de'ees.

I uttidi xeellishin naa"u mattati yiidi
ciishshaa bollan uttidosona. Mattatika
issi ciishshaappe hara ciishshaakko
bi biidi suuphoosona. Eta xeellishin
Buukulossi issi qofay A wozanan karhi
giis.

Buukuloy ba wozananka, “Aybissi
hageeta kaallada biikkinaa?
Eti ciishshaappe woommiyogee
eessaa oottanaassa gidennee? Eta
kaallada biikko eessaakka demmana
danddayays,” giidi qoppiis.



“Etadan paallan xayikkokka eti biyo ginaa loyttada xeellana,” giis. “Eti biyo ginaa erikko he ginaara baada koyyana,” giidi ba wozanan qoppiis. Yaatidaagee mattati denddidi baanaa wodiya naagiyogaa doommiis.

Yaanishin mattati loyttidi shiishshi
makkidi denddi biigidosona.


Buukuloykka eti biyo ginaa shaakkidi
eranawu loyttidi xeelliyogaa doommiis.

Mattati biyo ginaa wudidi xeelliya
Buukoloy loyttidi shaakkiis.

Mattati assi haddirssa ginaara
paalliiddi biidosona. Buukuloykka
eti biyo ginaakko simmidi aggennan
xeelliis. Yaanishin mattati A ayfiyappe
haakki haakkidi biidi geemmi
aggidosona.

Yaatin Buukuloy eta ginaa oyqqidi baanawu maaciis. Mattati biido ginaara qassi xuntta ogee de'ees. He ogiyara Buukuloy loddan woran maalaalettiiddi biyogaa doommiis.

Hachchi eessa ekkennan soo simmikke giidi eesuwan eesuwan bees. Biishin mittaa gidдон aybakko koshoshu giini dagamaa dozhggu giis. Yaa haa xeellin aybikka xayin adussan shemppidi ba ogiya doommiis.




Amarida keenaa biishin wogga shaafay sinttan gayttiis. Yaatin, “Woni taanne waanada matta kaalliyanaa” giidi yiillotiis. Buukuloy kayyottiiddi uttidaashin hefinttan burttukaanee yenddeddaagaa be'iis.

Be'idobay tuma milatennan ixridoogee
ba ayfiya gorppidi zaarettidi xeelliis.
Zaaretti xeelliyo wodekka ha
yenddeddida burttukaaniya be'iis.
Yaatikaagee ta koyidoy eessaa
demettay qassi burttukaaniya,” giidi
maalaalettiis.

Burttukkaaniya matan qassi issi
moqottay daayi uttiis. Ha moqottaa
bollan qassi wogga mattaa koottay
de'ees. Hegaa be'idaagee Buukuloy
keehi ufayttidi miichchaa doommiigiis.

“Wontta mattati yaa biidosona giyogaa. Taani mattata kaallada yiidoogan balabeekke giyogaa!” giidi ginaa eridoogawu ufayttiis. “Ane ha eessaanne burttukaaniya yuudiyo ogiya koyyikkinaa,” giis.

Yaatikaagee pudenne duge oge demmanawu xeelliyogaa doommiis. Awaarakka mattay de'iyu sohuwa pinnanawu injjetiya sohoy baawa. Haattaay keehi kumidi goggeesinne hefinttaykka keehi haaho.



Yaatin Buukuloy koyin koyin pinniyo sohooy xayin haniyoba xayidi eqqiigiis. I eqqido sohuwan aybakko qorqqoruwa bollan xaafetti uttiis. Buukuloy pinniyo sohooy xayin yiillotidi haniyoba xayidi ha qorqqoruwa oyqqidi eqqiis. Ha qorqqoruwa ballan de'iya xuufee “Eessaakko Baanawu Guyye Simma” gees.

Ay maaddii Buukuloy xaafettidaba nabbabana danddayenna. Nabbabana danddayennaagaappe denddidaagan xuufiya matan coo giidi eqqiis. I ogiya erennan eqqidaashin sa'aykka qammi qammi biyogaa doommiis.

Haniyobaa xayida Buukuloy wontto yaana giidi qammennan soo simmiyogaa doommiis. Soo gakkidi ba michchee Aykalissi mulebaa odiis. Yaatin Aykalakka aara wontto issippe baanawu maayettaasu.

Buukuloyyoo sa'ay wonttuwa ixxiis.
Hara asi biidinne ekkana giidi keehippe
hirggiyogaa doommiis. Wontto yaa
efiya ogiya demmanawu Aykaliira
guuran baana giidi xiskkuwa xayidi
aqiis.

Sa'ay wonttin Aykaliira zino
sohuwan guuraara biidosona. Wora
gidduwara naa"ay issippe cenggurssaa
xoqqu oottidi haasayiiddi boosona.
Buukuloykka he sohuwa waati
demmidakko Aykalissi zaari zaaridi
odees.



Aykala mattaa coo oykkennaagaa erawus. Coo koottaa mata shiiqikko mattay iita dukkees. Buukuloy waatidi oykkana qoppidaakko oychchana hanishin qaaree guppidi eta sinttan wodhdhiigiis.

Naa"aykka dagamaa poddu giidi
hemettiyogaa aggidi eqqiigidosona.
Naa"aykka issoy issuwa xeellidi
miiccidi bantta ogiya doommidosona.
Eesuwan eesuwan hemettidi zino
sohuwa gakkidosona. Buukuloy mulebaa
yuushshi yuushshi Aykalo bessiiis.

Tumu giyogaadan aadhdhiyo sohoy
awarakka baawa. Hefinttan qassi
burttukaaneenne koottay mittan
kaqetti uttiis. Yaanin naa"aykka
eqqidi qoppishin Aykala qorqqoruwan
xaafettidabaa xeellaasu.

Yaataidaara, “Buukuloo ha xaafettidaagaa be'adii?” gaasu. Buukuloykka, “Digga hodde Aykalee! Hagawu nuuni yiidooy hefintti pinnanawu gidennee? Hegee neessi ayssee,” giis.

Aykala, “Hegee baana ginaa odeesittennee” gaada ufayssan guppiyogaa doommaasu. Aykala zaaretta zaarettada nabbabada Buukulossi odaasu. Buukuloy A gidдон utti pee'idi nabbabana danddayenna gishshawu soo simmiis.

Meeziya

A. Kaalliya kureta gattidi kumetta qaalata meddhdhite.

1. maa laa le ttii ddi =
2. xee lli yo gaa =
3. he fin tti =

B. Kaalliya qaalata kuretun shaakkite.

1. pinnanawu
2. hirggiyogaa
3. Guuraara

C. Kaalliya qaalatu someta shaakkite.

1. ogiyara
2. Ciishshaakko
3. qammennan

